

**გ ა ყ ი დ უ ლ ი ქ ა რ თ უ ლ ი მ ი წ ა**



**საქართველოში  
 ბოლო პერიოდში  
 უმუშევარი ხასიათი  
 მიიღო მიწების  
 უცხოელებზე  
 გაყიდვის პროცესმა.  
 რამდენიმე წლის წინ  
 დედოფლისწყაროში  
 სასოფლო-სამეურნეო  
 დანიშნულების  
 ნაკვეთები ებრაელებმა  
 ბიზნესმენებმა  
 შეიძინეს. ამჟამად  
 კანონიერი მიწის  
 ინდოელებიც  
 ეპატრონებიან.**



დედოფლისწყაროში სოფლის მეურნეობის კუთხით მასალაზე მუშაობისას ერთ-ერთმა მეურნე კაცმა ასეთი პასუხი გამცა: ჩვენი სოფლის მეურნეობა ახლა უკვე ჩვენ კი არა, ინდოელებს უნდა მოკითხოთო, ძალიან გავოცდი, თუმცა საქმის არსში კიდევ უფრო ახლოს გაცნობის შემდეგ ამაში მე თავად დავრწმუნდი.

რამდენიმე დღის წინ სოფელ სამრეკლოს მცხოვრებმა თეიმურაზ ხატიაშვილმა იმის გამო, რომ მიწის დამუშავებისთვის ბანკის კრედიტებს ვეღარ ფარავდა, საკუთრებაში არსებული 20 ჰექტარი მიწა ინდოელებს მიჰყიდა. ხატიაშვილი პირველი მინათმფლობელი როდია, რომელმაც მიწა სურვილის საწინააღმდეგოდ, მაგრამ

მანაც სხვა ქვეყნის მოქალაქეებს მიჰყიდა. სამრეკლოში უკვე ორმოცდაათამდე ოჯახია, ვინც მიწა სწორედ უცხოელებზე გაყიდა. არადა, სოფელ სამრეკლოს ენამთის მიწები ერთ-ერთი ყველაზე საუკეთესო და ნაყოფიერ მიწებადაა აღიარებული რაიონის მასშტაბით. არ ვიცი, ვისთვის რამდენად მტკივნეულია ეს საკი-

თხი, მაგრამ ცხადზე ცხადია, რომ მდგომარეობა გაცილებით ცუდაა, ვიდრე გვეგონია, სამომავლო პროგნოზი კი, თუ კარგად გავანალიზებთ ყოველივეს, გაცილებით უარესი! - თავის დროზე, როდესაც ჩვენს რაიონში აფრიკელი ბურების გამოჩენაზე და მათ მიერ მიწების შესაძლო შესყიდვაზე მასალა მოვაშადა, მასსოვს ყველაზე დიდი საყვედურები ხელმძღვანელობიდან მაშინ მივიღე, ჩვენ უცხოელებისთვის ერთი გოჯი მინის დათმობას არ ვაპირებთო და რა საჭირო იყო ამხელა სკანდალი, თუმცა, ამ ამბიდან სულ რაღაც წელიწადნახევარში ფაქტი სახეზე გვაქვს, დღეს უკვე ალარვისთვისაა უცხო, რომ მთელი ალაზნისპირა ტერიტორიები და სოფელ სამრეკლოს საუკეთესო მიწები ინდოელების ხელშია. მოსახლეობას რომ ჰკითხოთ, ამ პროცესებში დამნაშავე ჩვენი წინამორბედი ხელისუფლებაა - „აი, სადამდე მივდივით, რომელ ქვეყანაშიც გინდა ჩახვიდე, ჯერ თუ იმათი ტრადიციები არ შეისწავლე და ენას კარგად არ დაეუფლე, ქუჩაში ნებართვის გარეშე ფოტოსაც კი თამამად არავინ გადაგაღებინებს, მოქალაქეობაზე ხომ აღარ ვამბობთ, ჩვენმა მთავრობამ კი ყველას ფართოდ გაულო კარი და უფრო მეტიც, იმის უფლებაც კი მისცეს, რომ ჩვენს მიწაზე ნერგები გააშენონ. ქართველმა რომ სადმე რამე დარგოს, იქნება დააჯარიმონ კიდევ, უცხოელებს კი საქართველოში ყველაფრის უფლება აქვთ. აკი, მიწებსაც ეგენი უფრო ადვილად ყიდულობენ, ვიდრე ჩვენ, მათ არანაირი ბარიერი არ ექმნებათ ამისთვის, ჩვენ კი, პირიქით, გვანამებენ.“-ამბობენ დედოფლისწყაროელები.

ვინ არიან სინამდვილეში ინდოელები? - ინდოეთი სამხრეთ აზიაში მდებარეობს. სოციალურ ქსელში ინდოელებზე ინფორმაციის მოპოვებისას, აღმოაჩინე საიტს - MY INDIA, სადაც ფართოდაა წარმოდგენილი ინდოელი ხალხის კულტურა, პროდუქტი და მომსახურება, ფილმები და ყველა სახალე. საიტის ინფორმაციით თბილისში უსვანაა ინდური კაფეები, რესტორნები და თქვენ წარმოიდგინეთ ინდური საცეკვაო კლუბები, ასევე გახსნილია საქართველოს საელჩო ინდოეთში და რამდენჯერმე გვინვევდნენ ინდური ნაწარმის გამოფენა გაყიდვაზე თბილისში. მოკლედ ინდოელებს საქართველოში ყველანაირი ხელშეწყობა აქვთ მიღებული და ცდილობენ, არასასოფლო დანიშნულების პირობებში გადაიყვანონ, მათ თვითმინად აქვთ დასახული, რომ იქ სოფლები გააშენონ და მაგიტომ, ასე უთქვამთ, მალე ჩვენ მილიონი ოჯახი ვიქნებით აქაო. უბედური საქართველო და ქართველები, რასაც ჩვენი მამა-პაპა სისხლის და სიცოცხლის ფასად იცავდა, ჩვენ ერთ წელიწადში გავყიდეთ და გავანაივეთ“.

აი, რას ამბობს ჩვენთან საუბარში წნორის ერთ-ერთი მცხოვრებელი გენდი ზურაბაშვილი-„წნორში უკვე 2000 ინდოელი ცხოვრობს, მთელი ალაზნისპირა მიწები ხელში ჩაიგდეს და ცდილობენ, არასასოფლო დანიშნულების პირობებში გადაიყვანონ, მათ თვითმინად აქვთ დასახული, რომ იქ სოფლები გააშენონ და მაგიტომ, ასე უთქვამთ, მალე ჩვენ მილიონი ოჯახი ვიქნებით აქაო. უბედური საქართველო და ქართველები, რასაც ჩვენი მამა-პაპა სისხლის და სიცოცხლის ფასად იცავდა, ჩვენ ერთ წელიწადში გავყიდეთ და გავანაივეთ“.

ყველაზე მძიმედ წარმოსადგენი კი ის გახლავთ, რომ მათ მიერ ნაყიდ მიწებზე ისევ ქართველები მუშაობენ, ოღონდ ამჯერად მუშებად. აი, რას ამბობს სამრეკლოელი თეიმურაზ ხატიაშვილი,- „თავის დროზე ეს მიწა, ერთი ჰექტარი 20 ლარად შევიძინე, მაშინ 20 ლარი ადვილი მოსაპოვებელი არ გახლდათ, გაჭირვება იყო და ერთ ჰექტარ მიწაში 20 ლარი კარგი თანხა იყო. მიწა კადასტრირებული იყო და მასში გადასახადს ყოველწლიურად 24 ლარს ვიხდიდი, ამას პარალელურად მოსდევდა ათასწლიური ხელშეკრულებების გაფორმება, რაც გლეხი კაცისთვის ასევე ფულის მახე იყო. მიწა ხომ ათასჯერ შემასყიდეს. ბოლოს რომ ველარაფრით გამოგწვოვს სისხლი ფერმერებს, მიწის ოცმაგი ოდენობით შესყიდვა მოიგონეს, კიდევ კარგი, ეგ კანონი დროებით შეაჩერეს. მოკლედ, გაგვანადგურეს ფერმერები, მიწასთან გავგანსორეს, გვანერვიულეს, ესეც არ იკმარეს ჩემი მიწა, რომელმაც წელიწადში 24 ლარს ვიხდიდი, უცებ მასზე გადასახადი ჰექტარზე 87 ლარი დამანერეს. ვეღარ შევწვდი ამდენი თანხების გადახდას, არანაირი შეღავათი არ მომცა სახელმწიფომ, ისედაც კრედიტი მქონდა აღებული წნორის ბანკიდან, სახლიდან რაღაცეები გამქონდა, ცყიდილი და

(გაგრძელება გვ.)

**წელს მოსახლეობა შეშის ნაცვლად ფულს მიიღებს**

**33.3**

**გამოინარეთ გაზეთი „შირაქი“**  
 2013 წლისთვის გაზეთი „შირაქის“ პერიოდულობა კვლავ ყოველკვირეული იქნება, რვაგვერდიანი და ფურადი. გამოცემის ღირებულება მთელი წლით 15 ლარი ელირება, 6 თვით - 7,50 ლარი.  
 „შირაქი“ ერთგულ მკითხველს სიურპრიზს სთავაზობს - ვისაც ოთხი და მეტი წლის განმავლობაში ჰქონდა გაფორმებული ხელშეკრულება გაზეთთან, წელიწადში ერთხელ 5 ლარის ღირებულების განცხადების უფასოდ გამოქვეყნების საშუალება მიეცემა.

**გამოინარეთ გაზეთი „შირაქი“ - შვიტყვეთ ყველაფერი დედოფლისწყაროში მიმდინარე მოვლენების შესახებ.**

**მსურველთა საჭურავლად!**  
 გაზეთი „შირაქი“ არ ღალატობს ტრადიციას და კვლავაც გთავაზობთ ფერად **საახალწლო კალენდარს**.  
 თუ გასურთ, თქვენი ბავშვის ფოტო განთავსდეს 2013 წლის ფერად კალენდარში, გთხოვთ წარმოადგინეთ ის 27 დეკემბრის ჩათვლით რედაქციაში.  
 შეგახსენებთ, რომ კალენდარში ფოტოს განთავსება ფასიანია. 1 ფოტოსურათი 15 ლარი ელირება. მაგრამ, თუ, ერთ ფოტოში ორი, ან მეტი ბავშვი იქნება - 20 ლარი.  
**იჩქარეთ, რაოდენობა შეზღუდულია!!!**

**ყველაზე სასიამოვნო დედოფლისწყაროში მიმდინარე მოვლენების შესახებ!**

- ახალი ინფორმაცია
- სამართლებრივი აქტები
- აუქციონი
- ტენდერი - ყველაფერი მხოლოდ ჩვეთაში!

ის, რასაც სხვაგან ვერ ნაიპოვებთ!

[www.dedoplistskaro.ge](http://www.dedoplistskaro.ge)



# ფელს მოსახლეობა უმუშის ნაცვლად ფულს მიიღებს

უკვე მერამდენე წელია, ზამთრის სეზონზე საქართველოს რეგიონებში მცხოვრები სოციალურად დაუცველი ოჯახების შემთხვევაში უზრუნველყოფის პროგრამები ხორციელდება. ბოლო ხანს ცალკეული კატეგორიები შემთხვევით დედოფლისწყაროშიც მარაგდებოდნენ.

გაზეთ „შირაქის“ ინფორმაციით, 2011 წელს ამ პროგრამით დედოფლისწყაროსა და მის სოფლებში 400-ზე მეტი ოჯახის შემთხვევაში უზრუნველყოფა მოხდა. პროგრამის ნაწილი საპრეზიდენტო ფონდიდან დაფინანსდა, ნაწილიც დედოფლისწყაროს ბიუჯეტიდან.

ამ სეზონზე მოსახლეობის შემთხვევაში უზრუნველყოფის პროგრამის ფარგლებში დედოფლისწყაროს მუნიციპალიტეტი დახმარების გაცემას, სავარაუდოდ, მომავალი წლის იანვრის პირველივე რიცხვებიდან დაიწყებს. გასული წლებისგან განსხვავებით, ამჯერად დედოფლისწყაროს მუნიციპალიტეტის ახალმა ხელმძღვანელობამ გადაწყვიტა მოსახლეობისთვის სათბობი შემთხვევაში მომარაგების წესში გარკვეული ცვლილებები შეიტანოს.

დედოფლისწყაროს მუნიციპალიტეტის ახლადდანიშნული გამგებელი ირაკლი შილაშვილი ამ საკითხზე გაზეთ „შირაქთან“ საუბრისას აღნიშნავს, რომ შემოსავლის უზრუნველყოფის იქნება, თუ ოჯახი შესაბამის თანხას მიიღებს და ის თავად გადაწყვეტს, სათბობად შემას შეიძენს, ელექტროენერგიას გამოიყენებს, თუ სხვა, გაცილებით ეკონომიურ, გზებს გამოიხატავს.

„ყველა ოჯახი ინდივიდუალურად და ყველას თავისებური გათვლები აქვს. ზოგს შეუძლია უკვე მომარაგებული იქნეს, ზოგი ელექტროენერგიით გათბობას ანიჭებს უპირატესობას. აქედან გამომდინარე, გადაწყვეტილება, რომ უმჯობესი იქნება, თუ შემოსავლის და მისი განხილვის ნაცვლად პირდაპირ თანხას გაცემთ. ჩემი მიზანია, ოჯახმა თავისი პირობების გათვალისწინებით, საკუთარი ინტერესების მიხედვით გამოიყენოს ეს თანხა“ - აღნიშნა დედოფლისწყაროს გამგებელმა ირაკლი შილაშვილმა.

გამგებელი ამბობს, რომ ამ საკითხს საკრებულოს დეპუტატებიც განიხილავენ. გამგებობიდან საკითხი განსახილველად სწორედ საკრებულოში შევა, რის შემდეგაც მუნიციპალიტეტის საკრებულო შესაბამის დადგენილებას გამოიტანს.

გავრცელებული ინფორმაციით პრეზიდენტმა რეგიონებში მოსახლეობის შემთხვევაში სოციალურად დაუცველი მოსახლეობის სათბობი შემთხვევაში უზრუნველყოფისთვის პრეზიდენტის ფონდიდან 40 000 ლარი ირიცხებოდა, თანხას რაიონული ბიუჯეტებიდან კიდევ 20 000 ლარი ემატებოდა. დახმარება რამდენიმე კატეგორიაში მრავალშვილიან, მარჩენალდაკარგულ ოჯახებსა და მარტოხელა დედებზე გაიცემოდა.



იმის მიუხედავად, საიდან დაფინანსდება პროგრამა, ამ დახმარების მიღების მსურველთა რიცხვი დედოფლისწყაროში დიდია. ყოველწლიურად არც დახმარებით მოსარგებლეთა რიცხვი იყო მცირე, თუმცა უკმაყოფილოებიც

რჩებოდნენ. მარტოხელა მოხუცების დიდი ნაწილი, რომლებიც ძირითადად დედოფლისწყაროს მუნიციპალიტეტის სხვადასხვა სოფელში ცხოვრობენ და დაუძლურებულნი არიან, გაზეთ „შირაქთან“ საუბრისას აცხადებენ, რომ შემოსავლის მომარაგებას ვერც საკუთარი ძალებით ახერხებენ და მის შესაძენად არც პენსია ჰყოფნიან. ახალი არავისთვისაა, რომ პენსია მათთვის ერთადერთ შემოსავლად რჩება. მისი ოდენობა კი, მუდმივი დაპირებების მიუხედავად, არც ისეთი გახლავთ, რომ მარტოხელა ასაკოვანმა ადამიანებმა კვების პრობლემაც მოაგვაროს, მედიკამენტებიც შეიძინოს და სუსხიან სამთარშიც სიცოცხლე არ გაიყინოს.

სოფლად მცხოვრები მარტოხელა მოხუცებულები კიდევ ერთ ფაქტზე ამახვილებენ ყურადღებას. ცნობილია, რომ ქალაქ დედოფლისწყაროს და მისი მოსაზღვრე სოფლებში მცხოვრები სოციალურად დაუცველი მოქალაქეთა ნაწილი ყოველდღიურად უფასო სასადილოში სადილობდა, ნაწილი კი სათნოების სახლში. გასულ წელს ისინი გაერთიანდნენ და, ასე თუ ისე, დედოფლისწყაროსა და მის შემოგარენში მიუსაფართა კვების საკითხი ნაწილობრივ მაინც გადაჭრილია. ამ ფონზე კი სხვა სოფლების მარტოხელა მოხუცები პირდაპირ მიანიშნებენ, რომ კვების პრობლემა რეალურად აქვთ. ისინი, ვინც სათნოების სახლიდან მოშორებით ცხოვრობენ და ჯანმრთელობის თუ გადაადგილების პრობლემაც აქვთ, უფასო სადილით სარგებლობა და სათნოების სახლში მისვლაც პრობლემად ქცევიათ. თუმცა, მუნიციპალიტეტის ხელმძღვანელობისა და სათნოების სახლის ადმინისტრაციის მხრიდან თანხმობის მიღების შემთხვევაშიც კი, სხვა სოფლებში მცხოვრები მოხუცები ამ სიკეთით ვერ სარგებლობენ. არადა, მათთვის კვება ერთ-ერთ მთავარ პრობლემად იქცა.

მედიკო კონსტაშვილი 83 წლისაა, ის სოფელ არბოშიკში მოქველდებულ ბინაში მერამდენე წელია მარტო ცხოვრობს. ამბობს, რომ აღარც ძალა შესწევს, რომ ხმელი ხის ტოტები მაინც მოაგროვოს, ან შემთხვევით უზრუნველყოფაზე იზრუნოს. მისივე თქმით, ადგილობრივი ბიუჯეტიდან შემთხვევით დახმარების განწვევაზე იმედი ყოველ ზამთარს აქვს, ასეა ახლაც. ანალოგიურ მდგომარეობაში არიან დანარჩენი, სხვადასხვა კატეგორიის მცხოვრებლებიც.

შეგახსენებთ, რომ 2010 წელს შემოსავლის ნაცვლად მოსახლეობაზე თანხის გაცემა დედოფლისწყაროს წინა ხელისუფლებამაც გადაწყვიტა. თუმცა, მოგვიანებით, ლევან ბალაშვილი განმარტავდა, რომ ამ მეთოდმა არ გაამართლა, სასურველი შედეგი ვერ მოიტანა და გადაწყვიტა, რომ მომდევნო წლებში კვლავაც შეუძლებელი იქნება. როგორც ჩანს ამ ეტაპზე, ახალი ხელმძღვანელობა ამ მოსაზრებას არ იზიარებს. სავარაუდოდ დახმარება 100 ლარით განისაზღვრება.

ილია მარტყოფლიშვილი

# სკოლამდელი აღზრდის ცენტრს ახალი ხელმძღვანელი ჰყავს

მაია ხუმარაშვილი დაიბადა 1968 წლის 14 აპრილს, 1985 წელს დაამთავრა დედოფლისწყაროს პირველი საშუალო სკოლა და სწავლა განაგრძო თბილისის ივანე ჯავახიშვილის სახელობის სახელმწიფო უნივერსიტეტის რუსული ფილოლოგიის ფაკულტეტზე, რომლის დამთავრების შემდეგ მუშაობდა საბავშვო ბაღში რუსული ენის პედაგოგად. 2010 წლიდან მაია ხუმარაშვილი დედოფლისწყაროს სკოლამდელი და სკოლისგარეშე სააღმზრდელო ცენტრის სპეციალისტად მუშაობს, 2012 წლის 11 დეკემბრიდან კი ამავე ორგანიზაციის სააღმზრდელო ცენტრის დირექტორია. ჰყავს მეუღლე, მამა პეტრე(ხუმარაშვილი) და ერთი ქალიშვილი- ანა.



- სკოლამდელი აღზრდის ცენტრის ირგვლივ ბოლო დროს საკმაოდ დიდი ხმაური იყო ატეხილი, როგორია თქვენი სამომავლო გეგმები და დაკმაყოფილებული ხართ თუ არა მშობლების მიერ წაყენებული მოთხოვნები ბაღებში კვების რაციონის გამარავალფეროვნების კუთხით?!

- სულ რამდენიმე დღეა, რაც ახალ სამსახურში სამუშაოს შევუდექი და ჯერჯერობით გაცნობის პროცესში ვარ, ვეცნობი სამუშაოს სტრუქტურას და სამომავლო გეგმებზე ნაკლებად შემოძლია საუბარი, თუმცა, ცალსახად შემოძლია ვთქვა, რომ გავაკეთებ შესაძლებლობების მაქსიმუმს, რათა დავიცვა თითოეული აღსაზრდელის, პედაგოგის და მშობლის ინტერესები და ყველა ის სამართლიანი მოთხოვნა, რაც მშობლებს გააჩნდათ, დავაკმაყოფილო. ვიქნები თითოეული აღსაზრდელის დამცველი და ვიზრუნებ მათი პირობების გაუმჯობესებაზე. დანარჩენს სამუშაო პროცესი გვიჩვენებს.

მასალის გამოქვეყნებამდე ბაღებში კიდევ ერთი პრობლემა წარმოიშვა. ამ დღეებში მშობლებისთვის ცნობილი გახდა, რომ ბაღებში საახალწლო ამანათს ბავშვები სააღმზრდელო ცენტრისგან ვეღარ მიიღებენ და სასაჩუქრე პაკეტის გამზადება თავად მშობლებს მოუწევთ, რის გამოც მშობელთა კომიტეტის წარმომადგენლები იძულებულნი გახდნენ მშობლებს 5-5 ლარი მოაკრეფინონ

და ბავშვებს თოვლის პაპის საჩუქრის მოლოდინი არ გაუტრუნონ. აღნიშნულმა ამბავმა მშობელთა დიდი ნაწილის გულისწყრომა გამოიწვია. მშობელთა უმრავლესობას არ აქვს ამის საშუალება და იძულებულნი არიან, ბავშვი საახალწლო ზეიმზე არ მოიყვანონ, რათა მათ შვილებს გული არ დასწყედეთ, „სამი შვილის დედა ვარ, ჩემი ხელფასი 160 ლარს შეადგენს და გადასახადის გადახდაც მიჭირს, სასაჩუქრე პაკეტის არ არსებობა ძალიან მენწყინა, ნამდვილად გამიჭირდება გადახდა, არადა, უკვე სამი წელია, ბავშვები საჩუქრებს უსასყიდლოდ იღებდნენ და კმაყოფილიც ვიყავით!“-აცხადებს ერთ-ერთი მშობელი.

მართალია, მშობლები ამ ინციდენტის გამო უკმაყოფილოები არიან, მაგრამ რამდენადაც ჩვენ გავარკვიეთ, სკოლამდელი და სკოლისგარეშე სააღმზრდელო ცენტრის ბიუჯეტი იმდენად გაპარტახებული და ნულზე დასმული აღმოჩნდა, რომ სასაჩუქრე პაკეტისთვის განკუთვნილი თანხების მოძიება ყოველად შეუძლებელი აღმოჩნდა. ასე რომ, მშობლებს უნდა ჰქონდეთ ინფორმაცია იმასთან დაკავშირებით, თუ რაში მდგომარეობს რეალობა. ამ შემთხვევაში ახალი ხელმძღვანელი უძლურია.

ლალი მხრინიშვილი

# დედოფლისწყაროში კულტურული ცხოვრება საინტერესო გახდება



ნინო ბახუტაშვილი, დედოფლისწყაროს მუნიციპალიტეტის კულტურისა და სპორტის ცენტრის დირექტორი.

მინი ბიოგრაფია: დაიბადა 1965 წლის 11 მაისს, 1982 წელს დაამთავრა წითელწყაროს №1 საშუალო სკოლა, 1991 წელს-სამხატვრო აკადემიის ხელოვნებათმცოდნეობისა და არქიტექტურის ფაკულტეტი, ესპერტია ტექსტილის დარგში, მას სასულიერო აკადემიის ხელოვნების სრული კურსი აქვს გავლილი. 1991-95 წლებში მუშაობდა საქართველოს საეკლესიო სურათთმოდერების ცენტრში არქიტექტორად. ის სამების ტაძრის პროექტის თანამონაწილეა და პატრიარქის სივლის მფლობელიც, 2002-2005 წლებში მოსწავლე-ახალგაზრდობის სახლში ასწავლიდა გობელენისა და ფარდაგების ქსოვას. 2005 წლიდან სახელოსნო „ფესვებს“ აარსებს და მისი ხელმძღვანელია, 2007-2012 წწ. ქალაქ დედოფლისწყაროს №1 საჯარო სკოლის ხელოვნების პედაგოგად მუშაობდა.

ნინო ბახუტაშვილი ჩვენთან საუბარში აცხადებს, რომ დედოფლისწყაროში კულტურის განვითარების სტრატეგიაზე უკვე მუშაობს. მას მიაჩნია, რომ უნდა აღდგეს ის დარგები, რომლებიც ჩვენი რაიონისთვის იყო ორგანული და ტრადიციული, კერძოდ, ის გეგმავს თოჯინების თეატრის აღდგენას და ფოლკლორის კიდევ უფრო აღორძინებას. „სოფელს თავისი ფუნქცია უნდა დავუბრუნოთ. აქცენტი იქნება გამახვილებული ფოლკლორზე და რენესანსზე. სერიოზული ყურადღება დასჭირდება ბიბლიოთეკებს. რაიონული ბიბლიოთეკისთვის, რომელიც რამდენიმე თვის წინ ღია ცის ქვეშ დარჩა, ჯერ კიდევ ვეძებთ შესაფერის შენობას“-განაცხადა ნინო ბახუტაშვილმა. კულტურისა და სპორტის ცენტრის კრეატიული დირექტორი იმედოვნებს, რომ დედოფლისწყაროში კულტურული ცხოვრება საინტერესო გახდება და ჩვენი რაიონი ახალგაზრდობისთვის მეტად მომხიბლავი გახდება.

# როსა კონკურენტი შენი დაფინანსებალია

ამ წერილის დაწერა ამას წინათ პოლიკლინიკაში ჩემმა ვიზიტმა განაპირობა. ეზოში შესულს თვალში მეცაის ანტისანიტარია, რაც აქ სუფევს – მთელი ტერიტორია მოზნულია პოლიეთილენის პარკებით, პლასტმასის ბოთლებით, ლუდის ქილებითა და ერთჯერადი ქილებით. მას ემატება ორი ძროხა, რომლებიც პალაზებში გამოშვებული ადგილმონაცველობით ბალახობენ დილიდან საღამომდე, აბინძურებენ ტერიტორიას, რითაც მარტო პაციენტებს კი არა, მიმდებარე ტერიტორიაზე არსებული საბავშვო-ბაგაბალის აღსაზრდელებსაც უქმნიან დაიმფიცირების საშიშროებას. ჩემი გულის ტკივილი მედპეროსანალთან გამოვთქვი, მეუბნოვე აღარ გვყავს, მთელ პოლიკლინიკაში ორი სანიტარია დარჩენილი და რომელი ერთს გასწვდებიანო. ეზოში კი არა, შენობის შიგნით უამრავი პრობლემა გვაქვს. მაგალითისთვის, რენდგენის კაბინეტში შესულ პაციენტს ყოველ წუთში სიფრთხილისკენ მოვუწოდებთ, რადგან იატაკი ისეთი ათხრილ-დათხრილია, ვშიშობთ არ დაეცეს და რაიმე არ მოიტყუოსო. ანალიზისთვის ლაბორატორიაში შესულმა აშკარად ვიგრძენი, რომ ტემპერატურა დაბალია და აქ გაკეთებულმა ანალიზმა, ექიმი-ლაბორანტების მაღალი კვალიფიკაციის მიუხედავად, შეიძლება ცდომილება მოგვცეს, რადგან, როგორც წესი, ლაბორატორიაში მინიმუმ 20-21 გრადუსი სითბო მაინც უნდა იყოს. რეგისტრატურასთან თავმოყრილი პაციენტების დიდი უმრავლესობა სადაზღვევო პოლისითაა მოსული და გამოთქვამს უქმაყოფილებას იმ „ქალაქო-მანიის“ გამო, რომელიც პროცედურული ნორმებითაა გათვალისწინებული და დიდ დროს მოითხოვს თითოეული ვიზიტისთვის პირადობის მონმობების, მიმართვების, პოლისების რეგისტრაციის და მათი ქსერო ასლების დამზადება. თუმცა ამას ვერსად გავექცევით, სადაზღვევო კომპანიებს მყარი არგუმენტაცია სჭირდება თუ მოქალაქემ რა სახის მომსახურება მიიღო, რომ თანხები შესაბამისად გადამორიცხოს. დოკუმენტაცია ერთია, მაგრამ როგორ რიცხვენ თანხებს მზღვეველები, ეს კიდევ სხვა მხარეა. ამ კუთხით ყველაფერი რომ წესრიგში არ არის, იმითაც მტკიცდება, რომ თანამშრომელთა ხელფასები თვეობით იგვიანებს და მედპერსონალი უქმაყოფილოა არამარტო დაგვიანების, არამედ მისი სიმცირის გამოც.

აგერ, უკვე ორი წელი ხდება, რაც ჩვენი რაიონის საავადმყოფო - პოლიკლინიკური გაერთიანება კომპანია „ადითმა“ შეისყიდა. იმედი და დაპირებები სხვანაირი იყო. ხალხი მოელოდა, რომ მდგომარეობა გაუმჯობესდებოდა, ჩატარდებოდა რემონტები, აღიჭურვებოდა ახალი, თანამედროვე ტექნიკით და მომსახურების ფასებიც ხელმისაწვდომი იქნებოდა ნებისმიერი მოქალაქისთვის, მაგრამ დღემდე არაფერი შეცვლილა, ჩვენს სამედიცინო სფეროს მზრუნველი პატრონის ხელი წამდვლად არ დასტყობია. ზემოთ ნახსენებ პრობლემებთან დაკავშირებით შევხვდით და ვესაუბრეთ „ადითის“ დედოფლისწყაროს განყოფილების უფროსს ნათუნა ზურაბაშვილს და მის მოადგილეს ვანო ნატროშვილს.

**- ქალაქბროსო სათუნა, დავინწყით იმ ანტისანიტარიით, რომელიც პოლიკლინიკის ეზოშია გამეფებული.**  
- სრულიად გეთანხმებით, ეზო ნამდვილად დანაგვიანებულია, მაგრამ

ეს ნაგავი თავადვე „ლაპარაკობს“, რომ მისი წარმომავლობა პოლიკლინიკის თანამშრომლებს და პაციენტებს არ ეკუთვნით. ხედავთ, რომ ეზო შემოფარგლული არ არის, ამიტომ ნებისმიერ ადამიანს ნებისმიერი მიმართულებიდან შემოსვლა შეუძლია. აქვეა ტაქსების გაჩერება, რომლებიც დილის 6 საათიდან საღამოს 10-11 საათამდე აქ დგანან. მძღოლები მთელი დღის განმავლობაში ჭამენ, სვამენ და ნარჩენებს აქვე ყრიან. საღამოთი ამ ტერიტორიაზე მრავლად იყრიან თავს ისეთი ადამიანები, რომლებიც არ მუშაობენ, არ სწავლობენ, საქმე არაფერი აქვთ და დროის გაყვანის და გართობის მიზნით აქ მოდიან. ხშირად უნესოდაც იქცევიან, ნასვამები ჩხუბობენ, კამათობენ, ტყუენ აყალბაყალს. აბა, საიდან მოვიდა ლუდის და ლიმონათის ბოთლები და ქილები, ერთჯერადი ჭიქები? მას ხომ პაციენტები არ მოიხმარენ. ჩვენ დავილაღეთ მათი დევნით და მათი ნაგვის კრეფით. მართალია რომ მეუბნოვე აღარ გვყავს, მის ყოლას აზრი არ ჰქონდა. რამდენჯერმე მივმარეთეთ ქალაქის დასუფთავების სამსახურს, პოლიციას, საპატრულო სამსახურს, რომ დაემყარებინათ აქ წესრიგი, მაგრამ ვერაფერს მივაღწიეთ. ახლა პო-



ლიციასაც და ქალაქის დასუფთავებასაც ახალი ხელმძღვანელობა ჰყავს, თქვენი გაზეთის საშუალებითაც და პირადადაც მივმართავთ მათ, მოგვეხმარონ, ჩვენ ჩვენი ძალებით ვერ ვერევიტ პრობლემას შენიშვნას ვლებულობთ, სამართლიანია, სირცხვილია, რომ ასეთ დაბინძურებულ კარემოს ვუყურებთ ყოველდღე, მაგრამ მოქალაქეებმაც უნდა იგრძნონ თავიანთი წილი პასუხისმგებლობა, არ გადაყარონ აქაიქ თავიანთი ნასუფრალი, ეზოში ჩვენ ორი სანაგვე კონტეინერი გვიდგა, იქ მისვლას და ნარჩენების შიგ ჩაყრას ნუ დაიზარებენ.

**- თანამშრომლები უქმაყოფილებას გამოთქვენ ხელფასის დაგვიანების, მისი სიმცირის, სამუშაო პირობების არქონის გამო. საინტერესოა, რა პირობა დევს ხელშეკრულებაში, რომელიც „ადითმა“ დადო შპს-ს შესყიდვის დროს?**  
ნათუნა ზურაბაშვილი:  
- თანამშრომელთა უქმაყოფილება ხელფასების დაგვიანების გამო წამდვილად სამართლიანია, სექტემბრისთვის ხელფასი სულ ახლახანს, ერთი კვირის წინ მიიღეს. ჩვენ კარგად გვესმის, რომ ბევრი მათგანის ოჯახი ამ ხელფასზეა დამოკიდებული და როცა

2-3 თვე ხელფასს ვერ იღებენ, უამრავი სოციალური პრობლემა უჩნდებათ. ხელფასის დარეგულირება ჩვენზე არ არის დამოკიდებული, ფინანსებს ჩვენ არ განვკარგავთ, ჩვენ ვაყენებთ საკითხს „ადითის“ ცენტრალურ ოფისში, მაგრამ მათაც თავისი არგუმენტები აქვთ, რაც, რა თქმა უნდა, დიდ შედეგად ვერ ჩაითვლება ნებისმიერი თანამშრომლისთვის. ამ კომპანიის ძირითად შემოსავალს პოლისების მიხედვით სადაზღვევო კომპანიებიდან მომსახურებისათვის თანხების გადამორიცხვა შეადგენს. ყველაზე დიდი დამზღვევი კომპანია „არქიმედია“, რომელიც „ადითს“ აღიქვამს როგორც კონკურენტს, ცდილობს შეაფერხოს თანხების გადმორიცხვა, მას ყოფილი ხელისუფლების მხრიდან ოჯახურ კლანთან დაკავშირებული პრივილეგიები ჰქონდა და ამას მშვენივრად იყენებდა კონკურენტად ჩათვლილი კომპანიების ჩასაძირად. იმედი, ახლა ახალი ხელისუფლების პირობებში სიტუაციები შეიცვლება. რაც შეეხება ხელფასების სიმცირეს, ამას ექიმების ხელფასზე ვერ ვიტყვი. დაბალი ხელფასი აქვთ საავადმყოფოში დასაქმებულ მორიგე ექიმებს, რომელთა ხელფასიც შესრულებული სამუშაოდან პროცენტის

რაოდენობის სახელმწიფო პოლიკლინიკების და საავადმყოფოების არსებობის თაობაზე. ეს პრაქტიკა დიდ და ძლიერ ქვეყნებსაც კი აქვთ და ჩვენი სოციალური მდგომარეობის საზოგადოებას, მით უმეტეს, ეს ძალიან ნაადრევია. კარგად იცით, ამ სისტემაში რიგითი, მორიგე ექიმებიდან დაწყებული წლებით ვხელმძღვანელობდი დარგს და კარგად ვარ ჩახედული ყველა იმ პრობლემაში, რაც ჩვენს რაიონშია. ერთი, მათ შორის ისიც არის, რომ რაიონი ჩიხშია, მოსახლეობა მცირე ფართობთან შედარებით. აქ ინვესტიციის განხორციელება სერიულ რისკებთანაა დაკავშირებული. ამიტომ ინვესტიორები სულ მუდამ ერიდებოდნენ. თუმცა, ვარდების რევოლუციამდე ვიშოვეთ სახსრები, რომლითაც საავადმყოფოს მეორე კორპუსის გარემონტება დავინწყეთ, შევცვალეთ ჭერი, კარ-ფანჯრების ნაწილი, მაგრამ შემდეგ ყველაფერი შეჩერდა. გახსოვთ, ამ ცოტა ხნის წინ „არქიმედემაც“ ნამოიწყო 15 სანოლზე საავადმყოფოს მშენებლობა ჯარის წყლის მიმდებარედ, ძველი ქართული სკოლის შენობის ადგილზე. რაღაც სამუშაოები შეასრულა კიდევ, მაგრამ შემდეგ შეაჩერა. „ადითში“ დევს ჩვენი პროექტი პო-

ლიკლინიკის შენობის რეკონსტრუქციის ბაზაზე 25 სანოლზე საავადმყოფო-პოლიკლინიკის გაკეთების შესახებ. ამ ადგილზე ყველა პირობაა იმისათვის, რომ კომფორტული სამედიცინო მომსახურების ცენტრი გაიხსნას. არის ცენტრალური კანალიზაცია, გაზის მძლავრი არტერია, წყალი და, რაც მთავარია, ცენტრია და მოსახლეობისათვის მოსასვლელად იოლია, ზედმეტ ხარჯებს აღარ მოითხოვს საავადმყოფომდე გადასვლაში. საერთოდ კი, „ადითს“ 7 წლის ვადაში ამ ობიექტისათვის პროფილის შეცვლის უფლება არა აქვს. 7 წლამდე ჯერ დიდი დროა. ვნახოთ, რა გამოვა. ჩვენ იმედინად შევყურებთ ახალ მთავრობას და იმედს გამოვთქვამთ, რომ მდგმარეობა აუცილებლად შეიცვლება უკეთესობისაკენ.

**- ზამთარი მოვიდა. როგორ აგვარებთ გათბობის საკითხს?**

ნათუნა ზურაბაშვილი:  
- გათბობის ორი წყარო გვაქვს. ვისაც სურს შეშის ღუმელი უნთია, ჩვენ უკვე გავზარდეთ თითქმის 8 პირი შეშა და კვლავ ვცდილობთ შემოტანას. ზოგ ექიმს არ სურს შეშის ღუმელი და ელექტროქურთი გათბობა ურჩევნია. საერთოდ, იმის გამო, რომ შენობები გასარემონტებელია, კარ-ფანჯარა ძველი და უხარისხოა, ვერ იჭერს სიცივეს და სითბოს დამყარება ჩირს. თვეში ოფიციალურად, შეგიძლიათ ნახოთ ქვითრები, 4 ათას ლარამდე ელექტროენერჯის გადასახადს ვიხდით, ხუთას ლარზე ნაკლები წყლის გადასახადი არ გვინვეს. ზოგადად კი, უნდა გითხრათ, რომ გასავალი თითქმის სჭარბობს შემოსავალს და ეს ყველაფერი ერთმანეთზე ისეა აკინძული, კვერცხის და ქათმის გაჩენის ამბავს მაგონებს. თუ არ გარემონტდა და არ გამოიცვალა ტექნიკური საშუალებები, პაციენტს ვერ მოვიზიდავთ, თუ პაციენტი არ იქნა, შემოსავალი არ არის და ასე. თუმცა წარმატებაში ყველაფერთან ერთად, კვალიფიციური კადრის ხვედრითი წილი ძალიან დიდია. ჩვენ კი ბევრი კარგი ექიმი და მედდა გვყავს. ისე, რომ მომავალს იმედინად ვუყურებთ.

ესაუბრა  
ნაირა გორაშვილი



# გაყიდული ქართული მიწა

(პირველი გვერდიდან) იმით ვამუშავებდი მიწას, 87 ლარი გადასახადის გადასახადს ვეღარ შევწვდი, რა მექნა, სახლ-კარს ხომ არ გავხდები გასაყიდს?! წელს გუთანი ვერ დავაკარე მიწას, გადასახადი საიდან უნდა გადამეხადა, არ მეთობობდა, მაგრამ სხვა გამოსავალი არ იყო და გავყიდე.

- რამდენადაც ვიცით მიწა ინდოელებს მიჰყიდეთ, რატომ მაინც ვადავინჯებ ინდოელს, უკეთესი შემოთავაზება არ იყო?!

- იმის გამო, რომ გადასახადები არ დამწეროდა და საგადასახადოსთან დავალიანება არ შემქმნოდა, მიწას დიდი ხანია ვყიდდი, მაგრამ მუშტარი არ ჩანდა, ქართველი კაცი ეხლა მიწას აღარ ყიდულობს, ვინ გაყოფს თავს ყულფში?! ისეთ

დღეში ჩაგვაგდო ეს გლეხკაცობა მიწების გამო სახელმწიფომ, რომ შენი მიწა აღარავის უნდა, ყველა თავიდან იმორებს, კლიენტი არა და არ გამოჩნდა, მეც იძულებული ვიყავი, უცხოელებისთვის მიმეყიდა. რამდენადაც ვიცო, ეს კანონით დაშვებულია და მათ ნებადართული აქვთ, აქაური მიწები შეისყიდონ. აი, რა გააკეთა ჩვენმა წინამორბედმა მთავრობამ და სადამდე მიგვიყვანა, ჩვენ ბარიერები შეგვიქმნეს, მიწა ათასჯერ მოგვასყიდეს, ინდოელ კაცს კი უპრობლემოდ მისაყიდეს.

- როგორც ამბობენ, მათ მიერ ნაყიდ ქართულ მიწაზე ისევ ქართველები მუშაობენ, ოღონდ ამ შემთხვევაში დაქირავებული მუშახელის რანგში. მართალია ეს?!

- კი, მართალია, ჩვენთან თორმეტი კაცი მუშაობს მაგათ ადგილებში, სხვაც ბევრი ჰყავთ ქართველი დაქირავებულ მუშად, თავისთავად ცხადია, იმუშავებენ კი არა იხვენებიან, მიწა გაყიდეს, აღარ აქვთ და რილათ ირჩევენ თავს, ოჯახში ლუკმა-პური ხომ უნდა შეიტანოს კაცმა. ყველა იძულებულია, მათთან დასაქმებაზე დათანხმდეს, ისეა გაჭირვებული.

- თქვენი აზრით, რა არის საჭირო, ან რა უნდა გაკეთებული იქნას მიწათვის, რომ დღეს არსებულ მდგომარეობაში არ მივსულიყავით?!

- შეღავათები უნდა მოეცათ, გრძელვადიანი და დაბალპროცენტური სესხები უნდა მოეცათ გლეხებისათვის და ფერმერებისთვის, ან ერთი წელი გადასახად

დისგან გავეთავისუფლებინეთ ქართველები, მაგრამ სახელმწიფომ პირობით გააკეთა, ერთხელაც არა ცდილა, რომ ერთ წელიწადს მაინც დაენიათ დიზელის ფასი, პირობით დღითიდღე სანავს ფასს უმატებდნენ. ერთხელაც არ მოგვეხმარნენ წესიერად სასუქით ან შხამ-ქიმიკატებით და აი, შედეგიც სახეზეა. მთელი სამრეკლო, მთელი სილნადის რაიონი ინდოელებით გაივსო. ამბობენ, სულ 2000 ინდოელია უკვე სილნადში. არ ვიცი, ახალი ხელისუფლება რას იზამს, ან საქმის კურსში არიან თუ არა, ერთადერთი იმედი მათი გულისხმიერებაა, საქართველო ოდითგან დღემდე სოფლის მეურნეობით იყო ცნობილი, თუ არა ეს, სხვა დარგი ჩვენ ვერ გადაგვარჩენს, იმედი

მაქვს ჩვენს პრემიერს ეს კარგად აქვს გაანალიზებული, ამიტომ დღევანდელმა პარლამენტმა, ხელისუფლებაში მყოფმა თითოეულმა ადამიანმა, პოზიციამ თუ ოპოზიციამ, სულ ერთია რომელი მხარე იქნება, ერთმანეთის კინკლაობას და სატელევიზიო გარჩევებს კი არ უნდა მოყვნენ, პროკურატურის მიერ წარმოებული საქმეები კი არ უნდა არჩიონ საქვეყნოდ, არამედ მთავარზე იფიქრონ. --სასწრაფოდ შეიმუშაონ კანონპროექტი სოფლის მეურნეობის დარგის გადარჩენად და თუ მართლაც ამ ქვეყნისთვის კარგი სურთ, საჩქაროდ უნდა დაამტკიცონ აღნიშნული კანონი - აცხადებს ჩვენთან საუბარში თეიმურაზ ხატიაშვილი.

ლალი მისერიშვილი

## სპორტი

### ბრძოლა წესების გარეშე მსოფლიო თასზე



7-8-9 დეკემბერს თურქეთის ქალაქ ტრაპიზონში ჩატარდა მსოფლიო თასის გათამაშება ბრძოლა წესების გარეშე, სადაც თხუთმეტი ქვეყნის სპორტული დაჯგუფებების წარმო-

მადგენლები ესწრებოდნენ. მათ შორის საქართველოდან წარდგენილი იყო დედოფლისწყაროს რაიონის სოფელ ზემო მანხანანის ორთაბრძოლების გუნდიდან ერთი სპორტსმენი გიორგი ნატროშვილი, რომელმაც 45 კგ. წონით კატეგორიაში მოიპოვა მსოფლიო თასი. თამაშის შემდეგ ჩატარდა ასევე 14-15 წლებში დაბადებულთა შორის 6 წონით კატეგორიაში აბსოლუტური პირველობა, სადაც ასევე აბსოლუტური პირველობა არავის დაუთმო გიორგი ნატროშვილმა. მწვრთნელი გახლავთ გენადი ნატროშვილი.

რედაქცია ულოცავს გიორგი ნატროშვილს მსოფლიო თასის მოპოვებას და მომავალ ასპარეზობებიდანაც გამარჯვებებით დაბრუნებას უსურვებს.

ლალი მისერიშვილი



### ფეხბურთი

12 დეკემბერს გაიმართა კახი ასათიანის პრიზის გათამაშება ფეხბურთში 2001-02 წლებში დაბადებულთა შორის. ნახევარფინალში შეგვხვდა თელავის ძლიერი გუნდი (რომელიც თამაშობს საქართველოს ჩემპიონატში თბილისის გუნდებს შორის). პირველი მეხვედრა წავაგეთ თელავის გუნდთან. მესამე ადგილისთვის მეხვედრით საგარეჯოს გუნდს. ცუდი შედეგი გვქონდა, ვაგებდით 3:0-ს, მაგრამ თამაშის დამთავრებამდე დარჩენილ ორ წუთში გავაქტიურდით და 3:3 გავხადეთ. პენალტების ზუსტი დარტყმებით დედოფლისწყაროელებმა კახი ასათიანის პრიზზე III ადგილი დაიკავეს. ნორჩი ფეხბურთელები დააჯილდოვეს დიპლომებით და მედლებით, ხოლო ტურნირზე საუკეთესო ფეხბურთელის პრიზით დაჯილდოვდა თორნიკე ოზბეთელაშვილი, რომელსაც საქართველოს ბავშვთა ფეხბურთის უფროსმა თოლოდავამ ფეხბურთის მაღალხარისხიანი ბურთი პირადად აჩუქა. დიპლომებით და მედლებით დააჯილდოვეს ასევე მისი თანაგუნდელები: ნიკა გლახოშვილი, დავით გლახოშვილი, ზურაბ ხეტეშვილი, ნიკა ლეკაშვილი, გიორგი შაშვიანი, დანი თედევი, ლუკა ქისტაური, გიორგი გურაშვილი, ნიკა ბენაშვილი, გიორგი კეკელიძე, გიორგი თეზელაშვილი, მიხეილ ჯანყარაშვილი, ლუკა ნატროშვილი, ირაკლი ზაღდასტანიშვილი, - გვითხრა შეჯიბრიდან დაბრუნებულმა გუნდის მწვრთნელმა კაკო მანაბლიშვილმა.

### ჩიუდო

ქალაქ თბილისში ჩატარდა საქართველოს ფინალური პირველობა ჩიუდოში და მამაკაცებს შორის, სადაც დედოფლისწყაროელი სპორტსმენები მონაწილეობდნენ. საქართველოს ჩემპიონის ტიტული ქალაქის შორის მოიპოვა მარიამ ჯანაშვილმა (57 კგ), მესამე ადგილის მფლობელი კი ხატია ჯანაშვილი გახდა (63 კგ).

მამაკაცებს შორის მესამე ადგილზე გავიდა ლევან ნიკლაური (81კგ).

სპორტსმენებს წვრთნიდნენ საქართველოს სპორტის დამსახურებული მუშაკი ვაჟა მოსულიშვილი და სპორტის ოსტატი კახა ნიკლაური.

### თავისუფალი ჭიდაობა



ქალაქ საგარეჯოში ჩატარდა რესპუბლიკური ტურნირი თავისუფალ ჩიუდოში 1997-2000 წელში დაბადებულთა შორის.

ჩემპიონები გახდნენ: 60 კგ-ში ირაკლი ბურდული, 63კგ-ში ირაკლი მენტეშაშვილი. მეორე ადგილი 42კგ-ში გიორგი კარატიელი. მესამე ადგილზე გავიდნენ: 58 კგ-ში ალექო სულაშვილი, 69 კგ-ში გიორგი პავლიაშვილი. გუნდს ავარჯიშებს საქართველოს დამსახურებული მწვრთნელი დავით გონაშვილი

### საგამოძიებო სამსახურმა ყოფილი მაღალჩინოსნების საქმეზე მტკიცებულებების ნაწილი გამოაქვეყნა

ფინანსთა სამინისტროს საგამოძიებო სამსახურმა დაკავებული ყოფილი მაღალჩინოსნების ალექო ხეთაგურის, ნიკა გვარამიასა და კახა დამენიას საქმეზე მტკიცებულებების ნაწილი გამოაქვეყნა.

მტკიცებულებების სახით წარმოდგენილ დოკუმენტებს შორისაა შპს „ელენდეფსერვისისთვის“ თანხების ჩარიცხვასთან დაკავშირებული საბანკო ამონაწერი და 10 მონმის ჩვენება, რომელთა შორის ენერგეტიკის ყოფილი მინისტრის ალექო ხეთაგურის მოადგილე მარიკა ვალიშვილიცაა.

გარდა ამისა, უწყება აქვეყნებს გამოძიების დაწყების აღრიცხვის ბარათს და ნიკა გვარამიას სამაუწყებლო კომპანია „რუსთავი 2“-ის დირექტორად დანიშვნასთან დაკავშირებით კომპანიის პარტნიორთა კრების 14.11.2012 წლის სხდომის ოქმს.

როგორც „ინტერპრესნიუსს“ საგამოძიებო სამსახურში განუცხადეს, გამოძიების დაწყების აღრიცხვის ბარათთან ერთად გვარამიას „რუსთავი 2“-ის დირექტორად დანიშვნის გადაწყვეტილების ოქმი იმ შეფასების საპასუხოდ გამოაქვეყნეს, თითქოს მისი აყვანა, სწორედ აღნიშნულ ტელეკომპანიაში მის საქმიანობას უკავშირდება.

„ამ ორი დოკუმენტიდან ირკვევა, რომ გვარამიას ირგვლივ გამოძიება იმაზე ადრე დაიწყო, ვიდრე ის „რუსთავი 2“-ის გენერალურ დირექტორად დანიშნებოდა“, - აღნიშნავენ საგამოძიებო სამსახურში.

ამასთან, უწყების მიერ მტკიცებულებათა სახით გამოქვეყნებულ დოკუმენტაციებს შორისაა ლევან სამხარაულის სახელობის ექსპერტიზის ეროვნული ბიუროს დასკვნაც, რომელიც, როგორც საგამოძიებო სამსახურში განმარტავენ, ერთ-ერთ მთავარ მტკიცებულებას წარმოადგენს და რომლითაც „ელენდეფსერვისის“ ფიქტიური შექმნა დასტურდება.

„თელასმა“ მარტში ერთ-ერთ უცხოურ კომპანიას დაუკვეთა ფინანსური კვლევა. კომპანიამ ეს კვლევა ჩაატარა და ინგლისურ ენაზე გადასცა „თელასს“, შემდეგ უკვე, როცა საქმეში „ელენდეფსერვისი“ ჩაერთო და „თელასმა“ ხელშეკრულება უკვე მასთან გააფორმა, „ელენდეფსერვისს“ არ ჰქონდა რესურსი, რომ ანალოგიური სახის კვლევა ჩაეტარებინა, ამიტომ „თელასმა“ მას უცხოური კომპანიის მიერ მარტში განხორციელებული კვლევა გადასცა, „ელენდეფსერვისმა“ ის ქართულად თარგმნა და გამოაქვეყნა. ექსპერტიზის დასკვნა ადასტურებს, რომ სინამდვილეში „ელენდეფსერვისს“ კვლევა არ ჩაუტარებია და უცხოური კომპანიის და მის მიერ გამოქვეყნებული კვლევები რეალურად იდენტურია“, - განმარტავენ უწყებაში.

მათივე თქმით, გამოძიება სწორედ „ელენდეფსერვისის“ საქმესთან დაკავშირებით დაიწყო, ყოფილი მაღალჩინოსნების კვალზე კი უწყება გამოძიების მიმდინარეობისას გავიდა.

საქართველოს ფინანსთა სამინისტროს საგამოძიებო სამსახურისა და საქართველოს მთავარი პროკურატურის მიერ ერთობლივად გატარებული ოპერატიული-სამძებრო და საგამოძიებო მოქმედებების შედეგად, განსაკუთრებით დიდი ოდენობით ქრთამის ალების და ამ დანაშაულის შენიღბვის მიზნით ოფიციალური და საგადასახადო დოკუმენტების გაყალბების ბრალდებით 19 დეკემბერს ყოფილი მაღალჩინოსნები - ენერგეტიკისა და ფინანსთა ყოფილი მინისტრი ალექსანდრე ხეთაგური, განათლებისა და იუსტიციის ყოფილი მინისტრი ნიკა გვარამია და ეკონომიკის მინისტრის ყოფილი მოადგილე კახა დამენია დააკავეს. საქმესთან დაკავშირებით დაკავებულია კიდევ სამი პირი, მათ შორის კომპანია „ელენდეფსერვისის“ დამფუძნებელი გიორგი ნემსინვერიძეცაა.

# „კახეთის ენერჯ ოდისტრიბუციის“ გაკოტრების მმართველად აკაკი ბეგაშვილი დანიშნა

იუსტიციის სამინისტროს აღსრულების ეროვნულმა ბიურომ ს/ს „კახეთის ენერჯ ოდისტრიბუციის“ გაკოტრების მმართველად „ქართული ოცნების“ გურჯაანის შტაბის წევრი აკაკი ბეგაშვილი დანიშნა. აქამდე კომპანიას აღსრულების ეროვნული ბიუროს მიერ დანიშნული დავით ეზუგბაია მართავდა.

„გული მწყებოდა, რომ „კახეთის ენერჯ ოდისტრიბუციის“ გაკოტრების რეჟიმში იყო. თუ კომპანია უფრო უკან წავიდოდა, თეორიულად იმის შანსი იყო, რომ კახეთი ელექტროენერჯის გარეშე დარჩენილიყო. ამიტომ, ვიფიქრე, რომ ჩემი პროფესიონალიზმი შესაძლოა გამოსდგომოდა ამ კომპანიას. გასაუბრება მოხდა აღსრულების ეროვნულ ბიუროში და ენერჯ ოდისტრიბუციის გაკოტრების მმართველად დანიშნეს.“ - განუცხადა კახეთის საინფორმაციო ცენტრს ბეგაშვილმა.

აკაკი ბეგაშვილი პროფესიით ელექტროინჟინერია. ნამუშევარი აქვს ენერჯეტი-

კის სფეროში. 1983 წლიდან მუშაობდა კომპანია „აგრო-მონტაჟში“ მემონტაჟედ. იყო ელექტროსამონტაჟო სამუშაოების მწარმოებელი, მთავარი ინჟინერი და ბოლოს დირექტორი. 1993 წლიდან იყო კახეთის რეგიონის ტრანსპორტის პოლიციის ეკონომიკურ დანაშაულებათა წინააღმდეგ ბრძოლის

თის ენერჯ ოდისტრიბუციის“ მიმართ გაკოტრების საქმე 2011 წლის 5 აგვისტოს გაიხსნა. კომპანიის მიმართ გადახდისუუნარობის საქმის წარმოების დაწყების თაობაზე თბილისის საქალაქო სასამართლოს შპს „ელექტროენერჯეტიკული სისტემის კომერციულმა ოპერატორმა“ და შპს „საქართველოს სახელმწიფო ელექტროსისტემამ“ მიმართეს. ოფიციალური ინფორმაციით, ენერჯ ოდისტრიბუციის კომპანიას 4 417 544 ლარი დავალიანება აქვს. 2011 წლის ოქტომბერში, სს „კახეთის ენერჯ ოდისტრიბუციის“ გადახდისუუნარობის საქმესთან დაკავშირებით მომრიგებელმა საბჭომ კომპანიის გაკოტრების გადაწყვეტილება მიიღო. როგორც გადაწყვეტილებაშია აღნიშნული, ლიტვურმა ინვესტორმა კომპანია „გრუპა ახემამ“ საინვესტიციო პირობების შესრულება ვერ შეძლო და ვალების დაგროვება დაიწყო. ენერჯეტიკის მამინდელი მინისტრი ალექსანდრე ხეთაგური აცხადებდა, რომ „კახეთის ენერჯ ოდისტრიბუციის“ მალე გაიყიდებოდა, რაც არ შესრულდა. კომპანია დღემდე გაკოტრების რეჟიმშია.



განყოფილების უფროსი ინსპექტორი, შემდეგ კი უფროსის მოადგილე. 2002-2008 წლებში მუშაობდა ნიკოლოზ კვეციანიის საპარლამენტო ბიუროში. 2012 წლის 1 ოქტომბრის საპარლამენტო არჩევნებისთვის იყო „ქართული ოცნების“ გურჯაანის შტაბის წევრი.

შეგახსენებთ, 2009 წლის იანვრიდან „კახეთის ენერჯ ოდისტრიბუციის“ ლიტვური კომპანია „ახემა ჯგუფი“ ფლობდა. ინვესტორს კომპანია ჩამოართვეს. „კახე-

# დედოფლისწუროელ მესაზღვრეებს ევროკავშირმა და გაერომ რვა კვადროციკლი გადასცა



21 დეკემბერს, ევროკავშირისა და გაეროს განვითარების პროგრამის მიერ (UNDP) რვა კვადროციკლი გადაეცა საქართველოს სასაზღვრო პოლიციას. აღჭურვილობის ღირებულება 67 000 აშშ დოლარია.

როგორც სასაზღვრო პოლიციის ხელმძღვანელმა განაცხადა, რელიეფის გათვალისწინებით, კვადროციკლების საჭიროება ყველაზე მეტად დედოფლისწყარო-აზერბაიჯანის საზღვრის მონაკვეთზე დგას, ამიტომ მისი მეშვეობით სასაზღვრო პატრულირება საქართველო-აზერბაიჯანის საზღვრის დედოფლისწყაროს მონაკვეთზე განხორციელდება.

კვადროციკლების გადაცემას დაესწრნენ საქართველოს სასაზღვრო პოლიციის ხელმძღვანელი კობა ბოჭორიშვილი, გაეროს განვითარების პროგრამის (UNDP) ხელმძღვანელის მოადგილე ინიტა პაულოვიჩა და ევროკავშირის პროექტის მენეჯერი ქეთევან ხუციშვილი.

ამ ეტაპზე საჩუქრად გადმოცემული ტექნიკა თბილისში, სასაზღვრო პოლიციაში ინახება, ისინი დედოფლისწყაროში უახლოეს

დღეებში გამოიგზავნება. საზღვრის ერთიანი მართვის სამხრეთ კავკასიური პროგრამა (SCIBM): ევროკავშირი და UNDP ხელს უწყობენ აზერბაიჯანის, საქართველოსა და სომხეთის მთავრობებს და ენერჯ ოდისტრიბუციის მართვის ერთიანი სისტემა, რომელიც ღია და ამავდროულად უსაფრთხო საზღვრებს უზრუნველყოფს. სამხრეთი ინიციატივა, რომლის ღირებულება 6.3 მილიონ ევროს აღემატება, განხორციელდა მიგრაციის პოლიტიკის საკითხებში საერთაშორისო ცენტრთან (ICMPD) და ევროკავშირის წევრი სახელმწიფოების კონსორციუმთან (ლატვია, ესტონეთი, ლიტვა, საფრანგეთი, ჩეხეთის რესპუბლიკა და პოლონეთი) თანამშრომლობით. პროგრამა 2012 წლის დეკემბრის ბოლოს დასრულდება.

2012 წლის ნოემბრიდან ევროკავშირი და UNDP განხორციელებენ ახალ 18-თვიან პროექტს საქართველო-სომხეთის საზღვარზე ნინონმინდა-ბავრას გამშვები პუნქტის ხელშეწყობის მიზნით.

ილია მარტყოფლიშვილი

## მონატრება

### ილიკო შარვაძე

ჩემი საყვარელი შვილი, შარვაძე, 30 დეკემბერს, შენი ცოლ-შვილით დედოფლისწყაროში ჩამოხვედი დედასთან, აახმაურეთ და სიხარულით აავსეთ პაპა-ბებუის სახლ-კარი, სადაც ბედნიერი ბავშვობა გაატარე, შენ ხომ პირველი და სანატრელი შვილიშვილი იყავი.

წელსაც გელოდებოდი საახალწლოდ, მაგრამ ვაი, რომ აღარ დავცალდა, შვილი, 21 ნოემბერს, მთავარანგელოზობის საღამოს, თერთმეტის ნახევარზე, მოულოდნელად შეწყდა შენი ახალგაზრდა გულისცემა 38 წლის ასაკში.

თავზარდამცემი იყო შენი მოულოდნელი წასვლა ამ ქვეყნიდან. ნუთუ ამ წუთისთვის უკვე შენი ადგილი არ იყო! შენ ჩემი დიდი ტკივილი და მოუშუშებელი იარა ხარ. უშენოდ ერთი დღეც არ შემეძლო ყოფნა. ძალიან მიკვირს, როგორ ვცოცხლობ ახლა, თუ ამას სიცოცხლე ჰქვია. შენი არყოფნით დრო გაჩერდა! ჩემი ოჯახის იმედი აღარ მყავხარ, ჩემი სიცოცხლეც და ერთადერთი სანთელი ილიკო. შენ მყავდი ხატად და შენს იქეთ ვერაფერს ვხედავდი.

შემოდგომის სუსხიანმა საღამომ შენი გეგმები უცებ არია შვილი. შეიცვალა ჩვენი შეხვედრის ადგილიც, ახლა 30 დეკემბერს მე მოვდივარ შენთან - თბილისში, რადგან უცებ გაიზარდა ცრემლიანმა და ტკივილიანმა 40 დღემ და შენს საყვარელ მამას უნდა ჩავაბარო შენი თავი, დავაუკაცებულო, ცოლშვილიანი, რომელსაც თვრამეტი წელი გახდებდა, არ უნახხარ ჩემი ლამაზი ბიჭო. ჩავიკრავს გულში, დიდხანს აღარ გაგიშვებს მონატრებულ

შვილს და ყველა პრობლემას მოგიგვარებს.

შენს დედას კი რა ეშველება შვილი, შენს ხმას რომ ვეღარ გაიგებს, ტელეფონზე ვინ მიპასუხებს „ჰო, დე, გისმენო“. მე ვილა დამიძახებს დედას, ჩემი დედისერთა ბიჭო. ვინც ჩემი გიჟური და არანორმალური სიყვარულის ამბავი იცის, ყველას უკვირს „ნათელას ილიკო აღარა ჰყავს და ცოცხალია“. მაგრამ ვაი, რომ ყველაფერთან ერთად არც სიკვდილში მქონია ბედი, არ გამისკდა გული და ვერ გამოგყევი თან. თავს კი ვერ მოვიკლავ, შენ თუ ვერ განახავ, ისე ჩემს სიკვდილს რა აზრი აქვს, ეს ხომ პრობლემების თავის არიდებას და მოვალეობიდან გაქცევას ნიშნავს, შვილი, რაც ჩემთვის უცხოა. შენმა მშობლებმა პირნათლად მოვიხადეთ ჩვენი მოვალეობა შეილის წინაშე, არაფერი დაგაკელით, მარტოდ დარჩენილმაც მთელი ცხოვრება და სიცოცხლე შენ შემოგწირე, მაგრამ შენ კი ბედისწერამ არ გაცალა, შენც მოგეხადა შენი ვალი მშობლების წინაშე, ვერ გვიპატრონე, მე კი შენი ხელით მინის მიყრაც არ მეღირსა შვილი.

შენი ნიას გონებიდან არ ამოვა შენი სახე, მაგრამ პატარა ილიკოს კი არ დაამახსოვრდები შვილი, მხოლოდ სურათით ეცოდინება მისი ახალგაზრდა ლამაზი მამიკო. თუ შენს მერე ცოცხალი კიდე დავრჩები, შენს თავს ვფიცავარ, მხარში ამოვუდგები თამუნას და ჩემს პატარა შვილიშვილებს არ მოვაკლებ მზრუნველობას. ისეთივე ერთგული ბებია ვიქნები, როგორი დედაც ვიყავი.



თუ ნიას დაქალებას და ილიკოს დავაუკაცებას მოვესწარი, იმედი, არც ნია დამამადლის ცრემლს და არც ილიკოს დაეზარება შეილისგან გამწარებული ბებიისთვის მინის მიყრა.

შენ უკვდავებაში გადაინაცვლე, ჩემო დედისერთა ბიჭო, იძინე მშვიდად, დედის ცრემლები დაგიაშვებს ყველა ტკივილს, მსუბუქი იყოს შენს ალალ გულზე დაყრილი ვაშლიჯვარის მინა, რომელმაც ჩემს მოსვლამდე ჩავიკრა გულში და ისე მოგვეფერება და გაგათობს, როგორც შენი დედა, ჩემო ლამაზო შვილი, ჩემო დიდუბელო ბიჭო.

გილოცავ შობა-ახალ წელს, შვილი, შენს მამასთან და ახლობლებთან უდარდელად გაატარე ეს დღესასწაულები.

ღმერთმა ნათელში გამყოფოთ ჩემო ნადრევიან წასულო და მონატრებულო ქმარ-შვილო.

ჩემგან კი თქვენ არ მოგაკლდებათ ლოცვები და წმინდა სანთლები. მარადიულ ნათელში იყავი, ჩემო ილიკო.

შენი უბედური დედა ნათელა იაკობიშვილი, მუულე თამუნა, შვილები: ნია და ილიკო შარვაძეები.

## იყიდება

ქ. დედოფლისწყაროში, რუსთაველის ქ.№26 (აფთიაქის გვერდით), პირველ სართულზე იყიდება ერთოთახიანი ბინა, რომელიც გამოიყენება როგორც საცხოვრებლად, ასევე კომერციული საქმიანობისთვისაც. ყიდვა შეიძლება განვადებითაც. დაინტერესებულმა პირებმა დარეკეთ:

☎ 571 55 99 51.  
☎ 574 77 97 97  
ფასი 4000 \$

## ყურადღება!

„რეგისტრირებული კავშირი აგრარული და გარემოსდაცვითი ასოციაცია“ აცხადებს კონკურსს ხორბლის სათესლე მასალის სანწყობის შესყიდვის ან აშენების მიზნით ქ. დედოფლისწყაროში.

კონკურსის ძირითადი პირობაა მინიმალური ფართობი 500 კვადრატული მეტრი. დამატებითი ინფორმაციისთვის დაგვიკავშირდით

☎ 599 56 05 48

